

Meeqqap inunngornerani ataataanermik anaanaaqataanermillu Kalaallit Nunaanni atuuttussatut nalunaarsuinissaq pillugu nalunaarut

Meeqqanut inatsimmi § 33 naapertorlugu, peqqussummi nr. 258, 15. marts 2024-meersumi Kalaallit Nunaannut atuutilersinneqartumi aaliangerneqarpoq:

Kapitali 1

Nalunaarutip atuuffissaa

§ 1. Nalunaarut una atorneqassaaq meeqqanut inatsit tunngavigalugu ataataasumik anaanaaqataalersumillu kunngip peqqussutaatigut Kalaallit Nunaanni atuuttussanngortitaasoq malillugu nalunaarsuinnermut atatillugu, meeqqap inuunerani inunngortoqarnerani aamma toqusoqarnerani, ilisisoqarnerani aammalu iliveqarfiit pillugit inatsisartut inatsisaat ataataasumik anaanaaqataalersumillu nalunaarsuinnermut atatillugu.

Kapitali 2

Ataataaneq

Ataataasumik nalunaarsuinissamik pisinnaatitaaneq

§ 2. Peqqussummi §§ 1, 2 aamma 3 naapertorlugit ataataasumik nalunaarsuineq isumagineqassaaq palaseqarfimmi meeqqap inunngorneranik nalunaaruteqarfiusumi palasimit oqaluffimmi allattukkanik isumaginnittumit. Palasip oqaluffimmi allattuiffimmik suliaqartartuusup ataatanngortumik nalunaarsuina pissaq inatsisartut inunngortunik, toqusunik, ilisaasunik iliveqarfinnullu atasumik nalunaarutiginninnissamik inatsisaasoq naapertorlugu.

Imm. 2. Ataataasumik nalunaarsuineq peqqussummi § 1 naapertorlugu Naalagaaffiup sinniisaanit isumagineqassaaq.

Aappariilernermi ataataasumik nalunaarsuineq

§ 3. Palasip oqaluffiup allattuiffianik isumaginnittuusup ataatanngornermik nalunaarsuina pissaq peqqussummi § 1 malillugu tunngavigalugit inunngortup nalunaarutigineqarnerani aappariinnerlu pillugu paasissutissiissutit.

Imm. 2. Nalunaarsuinerup kingorna palasip oqaluffimmi allattuivimmik isumaginnittup Kalaallit Nunaanni kommunitum meeqqap anaanaata najugaqarfigisaanut aammalu angajoqqaajusunut, immaqalu toqusimappata eqqartuussivimmi toqusup pigisaasa allattorsimaffianut nalunaarutiginnissaaq.

Isumassuisuunermik akisussaasuunermillu uppernarsaalluni nalunaruteqarnermi ataataasumik nalunaarsuineq

§ 4. Peqqussummi § 2, imm, 1 malillugu isumassuisuunermik akisussaasuunermillu uppernarsaat palasimut oqaluffiup allattuiffianik isumaginnittumut ajoqimilluunniit immersuiffissiaq atorlugu tunniunneqassaaq, tak. § 18, nr. 1, Ajoqip uppernarsaat palasimut oqaluffiup allattuiffianik isumaginnittumut ingerlateqqissavaa. Taannalu angajoqqaajusunit tamarmiusunit atsiugaassaaq ulluatalu eqqortuunera eqqartuussisuserisumit uppernarsaasiillutilluunniit atsiortunit marlunnit atsiugaassaaq, angajoqqaajusut pineqartut marluusut immersukkamik palasimut oqaluffimmi allattuivimmik isumaginnittumut ajoqimullu ornigullutik atsiorsimangippata. Ernisussiortup, nakorsap, palasip oqaluffiup allattuiffianik isumaginnittup ajoqilluunniit angajoqqaajusunik qanoq iliornissamik ilitersuissapput aammalu annertunerusumik ilitersuunneqarnissaat pillugu Naalagaaffiup sinniisaanut saaffiginequllugit innersuussisinnaallutik.

Imm. 2. Nalunaarsuinerup kingorna palasi oqaluffiup allattuiffianik isumaginnittuusooq angajoqqaanut aammalu Kalaallit Nunaanni kommunimut meeqqap anaanaata najugaqarfianut nalunaarsuineq pillugu ilisimatitsissuteqassaaq. Uppernarsaatitullu atsiugaq oqaluffiup allattugaatigisaani ukuni 30-ni atatinneqarluni toqqortarineqassalluni.

Meeraq toqungalluni erniuppat imal. merlertuunermi toquppat, suli inuuneranik nalunaarsuisoqartinnagu, ataataasumik nalunaarsuinissaq

§ 5. Peqqussummi § 2, imm. 2 malillugu ataataasumik nalunaarutiginnissut ingerlatinneqassaaq palasimut oqaluffiup allattuiffianik isumaginnittumut imal. ajoqimut immersugassiaq atorlugu, tak. § 18, nr. 3. Angajoqqaat atsiortnerat ulluliinerullu eqqortuunerat eqqartuussisuserisumit imal. uppernarsaasutut atsiortunit marlunnit uppernarsarneqassaaq, angajoqqaajusut marluullutik palasimut oqaluffiup allattuiffianik isumagisaqartumut ajoqimilluunniit ornigullutik immersugassamik atsiuisimangippata. Ernisussiortup, nakorsap, palasip oqaluffiup allattuiffianik isumaginnittup ajoqilluunniit angajoqqaajusut qanoq iliornissaannik ilitersuissapput aammalu annertunerusumik ilitersuunneqarnissaat pillugu Naalagaaffiup sinniisaanut saaffiginequllugit innersuussisinnaallutik.

Imm. 2. Nalunaarsuinerup kingorna palasip oqaluffiup allattuiffianik isumaginnittuusup angajoqqaanut aammalu Kalaallit Nunaanni kommunimut meeqqap anaanaata najugaqarfianut nalunaarsuineq pillugu ilisimatitsissuteqassaaq. Uppernarsaatitullu atsiugaq oqaluffiup allattugaatigisaani ukiuni 30-ni atatinneqarluni toqqortarineqassalluni.

Meeqqap inuunnginnerani ataataassutsimik akuersisoqarnerarneranik nalunaarsuineq

§ 6. Peqqussummi § 3 naapertorlugu ataataassutsimik nalunaarsuineq isumassuinermit akisussaasuunermullu immersugassiaq imaluunniit ataataanermik uppernarsaalluni immersugaq palasimik oqaluffiup allattuiffianik isumaginnittumut imal. ajoqimut tunniunneqassaaq. Ajoqip uppernarsaat palasimut oqaluffiup allattuiffianik isumaginnittumut ingerlateqqissavaa. Immersugaasorlu Naalaaffiup sinniisaanit imal. ilaqutariinnermut inatsisinik isumaginnittoqarfiusumit atsiorneqaassallunittaaq.

Imm. 2. Nalunaarsuinerup kingorna palasip oqaluffiup allattuiffianik isumaginnittuusup angajoqqaajusunut nalunaarsuineq pillugu nalunaaruteqassaaq aammalu kommunimut meeqqap

anaanaagisaata najugaqarfigisaanut ingerlatitsilluni. Immersugaasoq palasip oqaluffiup allattugaatigisaani toqqorsivimmiitneqassaaq ukiuni 30-ni tulluuttuni.

Anaanaasoq suaassuteqatiminik katinnikkut aappaqarpat imal. nalunaarsugaasumik aappaqarluni ataataassutsimik nalunaarsuineq

§ 7. Naalagaaffiup sinniisaata ataataassutsimik peqqussummi § 1 a-mi allassimasut malillugit nalunaarsuinermi atugassanik illuatungeriit immersugassiaq atorlugu sinniilluni naartulersitsisimaneq allatulluunniit peqqinnissamik suliaqartumit isumagineqartumik imal. taamaattup akisussaaffigisaata ataani naartulersitsisimaneq aammalu ataataassuseq pillugit suliami atuagassamik saqqummiussisoqassaaq, tak. § 18, nr. 7. Ikiorneqarluni naartulersinneqarsimaneq Danmarkimi ingerlanneqarsimappat, meeqqanut inatsimmi § 33. imm. 2-mi allassimasut malillugit akuerisaasumik imal. allatut peqqinnissaqarfimmi ittumit tamatuminnnga ikiuineq pisimappat, taamatut pisoqarnissamik akuersisimanermut uppersarsaasiorfissaq atorlugu saqqummiussisoqassaaq. Immersugaq kopiittut tunniunneqarsinnaavoq. Naalagaaffiulli sinniisaa akunnattooruteqarluni immersugaasoq assilisaanngitsoq piniarsinnaavaa.

Imm. 2. Imm. 1 malillugu immersugaq angajoqqaajusunit tamanit atsiugaassaaq aamma anaanaasoq suaassuseqatiminik aappaqarpat tassanga imal. aapparisaq nalunaarsugaasutut inissimasuuppat, atsiogataasoqassalluni. Atsiornerup ulluliinerullu eqqortuunerat eqqartuussisuserisumit inunnilluunniit uppersarsaasunit marlunnit uppersarsaasigaassaaq, atsiortussaataasut peqqinnissaqarfimmi isumaginnittumut ornigullutik atsiorsimanngippata. Immersugaq peqqinnissaqarfimmi sulisumit atsiorneqassaaq. Peqqinnissaqarfimmi sulisuusup atsiortussaataasut atsiornissamat tunngassuteqartut pillugit ilitsersuutissavai, taannalu tamanna pisariaqartinneqarpat aamma Naalagaaffiup sinniisaanit ilitsersoqqinneqarsinnaaneq pillugu innersuussuteqassaaq.

Imm. 3. Nalunaarsuinerup kingorna Naalagaaffiup sinniisaa nalunaarsuineq pillugu angajoqqaajusunut aamma anaanaasup katisimasaa arnaq imaluunniit aappatut nalunaarsorneqarsimasooq, immaqalu toqusimappata eqqartuussivimmi toqusup pigisaasa allattorsimaffianut nalunaaruteqassaaq aammalu Qitiusumik Inunnik nalunaarsuivimmut (Den Centrale Personregister) nalunaaruteqassalluni. Immersugassaaq atsiorneqartoq Naalagaaffiup sinniisuata toqqorteriviani ukiuni 30-ini toqqortaatigineqassaaq.

Suliat, ataataassutsimik nalunaarusiuunneqarsinnaanngitsut

§ 8. Palasip oqaluffiup allattuiffianik isumaginnittuusup erngertumik meeqqap inunngornerani pappialaliussat imaattut pitillugit Naalagaaffiup sinniisaanut nassiuutissavai:

- 1) §§ 1,2, imal. 3-mi piumasarisasut malinnagit ataataasumik nalunaarsuinerit pisimappata.
- 2) §§ 3-6 imal. 17-imi piumasarisasut naammassinnittumik malinneqarsimanngippata.
- 3) Akunnattoorutigineqarpat ataataasumik nalunaarsuinerit ilumut piumasarineqartut malillugit ingerlanneqarsimanersut.
- 4) Meeqqap inunngorneranit sapaatip akunneri 4-t ingerlasimappata, ataataasumik imal. anaanaaqataasumik nalunaarsuisoqarsimanani.

§ 9. Naalagaaffiup sinniisaata § 1 a malillugu ataataasumik nalunaarsuinermik suliaa, peqqussutini kapitali 2 malillugu, suliarisassannortinneqassaaq, takuulli § 7 imm. 2, imatut pisoqartillugu:

- 1) § 1 a malillugu piunasaqaataasut ataataasumik nalunaarsuinissaq pisimangippat.
- 2) §§ 7 imal. 17-imi piunasaqaatigineqartut malillugit ingerlatsisoqarsimangippat.
- 3) Akunnattoorutigineqartut ataataasumik nalunaarsuineq piunasarineqartut malillugit ingerlanneqarsimanersoq.
- 4) Meeqqap inuuneranit sapaatip akunneri 4-t ingerlasimappata, ataataasumik imal. anaanaaqataasumit nalunaarsuisoqarsimanani.

Kapitali 3

Anaanaaqataaneq

Anaanaaqataaneq pillugu nalunaarsuisinnaatitaaneq

§ 10. Peqqussut § 3 c malillugu anaanaaqataasumik nalunaarsuineq palaseqarfimmi meeqqap inunngorfigisaani palasimit oqaluffiup allattuiffianik isumaginnittumit allassimasut naapertorlugit suliarineqassaaq.

Imm. 2. Peqqussummi §§ 3 a aamma 3 b nalunaarsuinerit Naalagaaffiup sinniisaanit ingerlanneqassapput.

Katinnikkut anaanaaqataanermik nalunaarsugaasumillu aappaqarnermik nalunaarsuineq

§ 11. Peqqussut § 3 a naapertorlugu Naalagaaffiup sinniisaata meeqqap inunngortup nalunaarutigineqarnera aappaariittuunerillu imal. nalunaarsugaasumik aappariinnerit tunngavigalugit suliarissavai.

Imm. 2. Imm. 1 naapertorlugu peqqinnissaqarfimmit isumagineqarnissamik allatulluunniit ingerlatsisoqarnissamik anaanaaqataalersumik nalunaarusiornermut atugassamik aappariit naartulersitsiniarnermik allatulluunniit tunngaveqartumik akuersinerminnik uppernarsaatitut immersukkamik takutitsissapput aamma anaanaaqataalernissaq pillugu, tak. § 18, nr. 8. Taaneqartutut pineqarnissaq Danmarkimi ingerlanneqartut, aappariit saqqummiunneqartutut pineqarnissamut anaanaaqataalersussarlu pillugit meeqqanut inatsimmi 33, imm. 2-mi akuerisaasut malillugit pisussamik akuersissummik immersugassiaq atorlugu akuersisimanerminnik takutitsissapput.

Imm. 3. Imm. 2 malillugu immersugassiaasoq angajoqqaajusunit tamanit atsiorneqassaaq aamma naartuneq angutip anisuuani tunngaveqarsimappat. Atsiornerit ulluliinerlu pillugit eqqortuunerinik eqqartuussisuserisumit uppernarsaasiisunilluunniit marlunnit atsiugaasumik uppernarsaasernerqassaaq. Tamannali pisariaqassanngilaq peqqinnissaqarfimmi sulisumik ataatsimeeqatigiinnermi atsiuineq pisimappat. Immersugassiarlu atsiugaasoq peqqinnissaqarfimmi sulisumit aamma atsiorneqassaaq. Pisussat pillugit peqqinnissaqarfimmi sulisuusoq ilitersuisaaq,

taassumalu pineqartut Nalagaaffiup sinniisaanik annertunerusumik ilitsersorneqarsinnaanerannik ilisimatinneqarlutik tassunga innersuunneqarsinnaapput.

Stk. 4. Nalunaarsuinerup kingorna Naalagaaffiup sinniisaa nalunaarsuineq pillugu angajoqqaajusunut immaqalu toqusimappata eqqartuussivimmi toqusup pigisaasa allattorsimaffianut nalunaaruteqassaaq aammalu Qitiusumik Inunnik Nalunaarsuivimmut nalunaaruteqassalluni. Immersugassaaq atsiorneqartoq Naalagaaffiup sinniisaata toqqorteriviani ukiuni 30-ni tulliuttuni toqqartaatigineqassaaq.

Isumassuisuunermik akisussaasuunermillu uppersarsaasiinermut atatillugu anaanaaqataalersumik nalunaarsuineq

§ 12. Peqqussummi § 3, imm. 2, naapertorlugu isumassuisuunermik akisussaasuunermillu uppersarsaasiissut, immersugassiaq atorlugu Naalagaaffiup sinniisaanut tunniunneqassaaq, tak. § 18, nr. 2, angajoqqaanit tamarmiusunit atsiugaasoq. Angajoqqaat atsiornerat ulluliinerlu pillugit eqqortuunerinik eqqartuussisuserisumit uppersarsarneqassapput imaluunniit uppersarsaasiisunillu marlunnit atsiugaasumik uppersarsaasigaassaaq. Tamannali pisariaqassanngilaq Naalagaaffiup sinniisaanik allamilluunniit akuersissuteqarnikkut peqataatitaanik ataatsimeeqatigiinnermi atsiuineq pisimappat. Immersugassiarlu atsiugaasoq peqqinnissaqarfimmi sulisumit atsiorneqassaaq. Pisussat pillugit peqqinnissaqarfimmi ernisussiortoq, nakorsaq imal. Naalagaaffiup sinniisua ilitsersuissapput, taakkunangalu pineqartut Nalagaaffiup sinniisaanik annertunerusumik ilitsersuunneqarsinnaanerannik ilisimatinneqarlutik tassunga innersuunneqarsinnaapput.

Imm. 2. § 11, imm. 2 aamma 3, aamma atorineqassapput.

Imm. 3. Nalunaarsuinerup kingorna Naalagaaffiup sinniisaa nalunaarsuineq pillugu angajoqqaajusunut nalunaaruteqassaaq aammalu Qitiusumik Inunnik Nalunaarsuivimmut nalunaaruteqassalluni. Immersugassaaq atsiorneqartoq Naalagaaffiup sinniisaata toqqorteriviani ukiuni 30-ni tulliuttuni toqqortaatigineqassaaq.

Meeraq toqungalluni inunngorsimappat imal. toqulluni suli inuuneranit nalunaarsuineq pinngitsoq, anaanaaqataasumik nalunaarsuineq

§ 13. Peqqussummi § 3 b, imm. 2 malillugu anaanaaqataalersumik nalunaarsuisimaneq uppersarsaasarneqassaaq Naalagaaffiup sinniisaanut immersugassiaasorlu atorlugu tunniunneqarluni, tak. § 18, nr. 4, taannalu angajoqqaajusunut tamarmiusunit atsiorneqassaaq. Angajoqqaat atsiornerat ulluliinerlu pillugit eqqortuunerinik eqqartuussisuserisumit uppersarsarneqassaaq imaluunniit uppersarsaasunik marlunnit atsiugaasumik uppersarsaasigaassalluni. Tamannali pisariaqassanngilaq Naalagaaffiup siinniisaanik allamilluunniit akuersissuteqarnikkut peqataatitaamik ataatsimeeqateqarnermi atsiuineq pisimappat. Immersugassiarlu atsiugaasoq peqqinnissaqarfimmi sulisumit atsiorneqassaaq. Pisussat pillugit peqqinnissaqarfimmi ernisussiortoq, nakorsaq Naalagaaffiulluunniit sinniisua ilitsersuissaaq, taakkunangalu pineqartut Naalagaaffiup siinniisaanik annertunerusumik ilitsersuunneqarsinnaanerannik ilisimatinneqarlutik tassunga innersuunneqarsinnaapput.

Imm. 2. § 11, imm. 2 aamma 3, atorineqassapputtaaq.

Imm. 3. Nalunaarsuinerup kingorna Naalagaaffiup sinniisua nalunaarsuineq pillugu angajoqqaajusunut ilisimatitsissuteqassaaq aammalu Qitiusumik Inunnik Nalunaarsuivimmut

nalunaaruteqassalluni. Immersugassaq atsiugaasoq Naalagaaffiup sinniisaata toqqorteriviani ukiuni 30-ni tulluuttuni toqqortaatineqassaaq.

Meeqqap suli inunngunnginnerani anaanaaqataasumik akuerinninnermik nalunaarsuineq

§ 14. Peqqussut § 3 c malillugu anaanaaqataasumik nalunaarsuinermi isumassuisuunermit akisussaasuunermullu uppersaatissatut immersugassiaq palasimut oqaluffimmi allattukkanik isumaginittumut ajoqimulluunniit tunniunneqassaaq. Ajoqip uppersaat palasimut oqaluffiup allattuiiffianik isumaginittumut ingerlateqqissavaa. Immersugassiaq pineqartoq Naalagaaffiup sinniisaanit imal. Familierethuset-imit (Inatsisinik ilaqutariinnut tunngasunik siunnersuisarfik) atsiugaassaaq. Palasi oqaluffiup allattuiiffianik isumaginittuusoq anaanaaqataalernermik nalunaarutiginnippat, aamma atorneqassaaq inatsisartut inuusooqarnernik, toqusoqarnernik, ilisaasoqarnernik iliveqarfinnillu inatsisaa atorneqassaaq.

Imm. 2. Nalunaarsuinerup kingorna palasip oqaluffiup allattuivianik isumaginittup nalunaarsuineq angajoqqaanut aammalu kommunitumut anaanaasup najuqarfignaanut nalunaarutigissavaa.

Suliat, anaanaaqataasoq pillugu nalunaarsuisinnaanngiffiusut

§ 15. Palasi oqaluffiup allattuiiffianik isumaginittuq makku pitillugit ernertumik Nalagaaffiup sinniisaanut inunngornermit atatillugu pappialat assilinerinik nassiuussisassaaq:

- 1) Peqqussummi § 3 c-mi anaanaaqataasup nalunaarsorsimanissaanik piumasarisaaq naammassillugit malinneqarsimanngikkaangata.
- 2) §§ 14 imal. 17-imi piumasarisaaq naammassillugit malinneqarsimanngippata.
- 3) Akunnattuungaffigineqartillugit qanoq anaanaaqataasup nalunaarsorneqarnissaanik piumasarisat malinneqarsimaneri.
- 4) Meeqqap inunngorneraniit sapaatit akunneri 4-t ingerlasimappata, ataataasumik imal. anaanaaqataasumik nalunaarsuisoqarsimanani.

§ 16. Suliat Naalagaaffiup anaanaaqataasumik nalunaarsuineranut tunngasut kapitali 2 naapertorlugu suliasannngortinneqassapput, tak. peqqussummi § 7, imm. 2, imaattunik pisoqartillugu:

- 1) § 1 a malillugu piunasaqaataasutut ataataasumik nalunaarsuinissaq pisimanngippat.
- 2) §§ 11-13 imal. 17-imi piunasaqaatigineqartut malillugit ingerlatsisoqarsimanngippat.
- 3) Akunnattoorutaappat ataataasumik nalunaarsuineq piunasarineqartut malillugit ingerlanneqarsimanersoq.
- 4) Meeqqap inunngorneraniit sapaatit akunnerit 4-t ingerlasimappata, ataataasumik imal. anaanaaqataasumik nalunaarsuisoqarsimanani.

Kapitali 4

Uppernarsaasiineq, immersugassat il.il.

§ 17.

Ataataassutsumik anaanaaqataanermilluunniit nalunaarsuisussaataasup aappariittut arlaat piunaffigisinnaavai kapitalit 2 aamma 3-mi taaneqartut avataatigut uppernarsaatinik allanik nassiussinissaannik.

Stk. 2. Kalaallit Nunaanni, Danmarkimi imal. Savalimmiuni oqartussaaffeqarfiit uppernarsaasiaasa assilineri nassiunneqarsinnaapput. Akunnattuunganartitsisoqartilluguli pappialaviusut (assilisaanngitsut) piunarsineqarsinnaapput. Nunanit allanit uppernarsaasiaasimasut taakkulu nutserneqarsimasinnaaneri assilisaanngitsutut nassiunneqassapput.

§ 18. Immersugassiat ataani taaneqartut social- og boligministerimit akuerineqassapput:

- 1) Ataataasuunermut atatillugu isumassuisuunermut akisussaasuunermullu uppernarsaat.
- 2) Anaanaaqataanermut atatillugu isumassuisuunermut akisussaasuunermullu uppernarsaat.
- 3) Ataataasumik nalunaarsuunermut uppernarsaat.
- 4) Anaanaaqataasumik nalunaarsuunermut uppernarsaat.
- 5) Ataataasuunermik akuerinninneq.
- 6) Anaanaaqataanermik akuerinninneq.
- 7) Ikiorneqarluni allatulluunniit peqqinnissaqarfimmeersumik ingerlanneqartumik imal. taaneqartutut ittumit akisussaaffigineqartumik ataataasussamillu uppernarsaammik tunngaveqartumik naartulerniarsarinermik akuersineq.
- 8) Ikiorneqarluni allatulluunniit peqqinnissaqarfikkoortumik ingerlanneqartumik imal. taaneqartutut ittumit akisussaaffigineqartumik ataataasussamillu uppernarsaammik tunngaveqartumik naartulerniarsarinermik akuersineq aammalu anaanaaqataanissamik uppernarsaasiineq.

Kapitali 5

Atuutsitsilernissaq ikaarsaarnernissamilu aaliangersakkat

§ 19. Nalunaarut atuutilissaaq 1. april 2024 ulloralugu.

§ 20. Nalunaarut atuutissanngilaq pineqartillugit meeqqat nalunaarutip atuutilinnginnerani inunngorsimasut. Taamaattunut maannamut malittarisassarititaasut atuutissapput.

Imm. 2. Meeqqamut ataataasumik anaanaaqataasumillu aaliangersakkat, pineqartillugit meeqqat ikiorneqarluni allatulluunniit isumagineqartumik naartulernermik aallaaveqartut pineqartorlu atuutinneqassanngilaq akuersineq peqqussullu §§ 27 imal. 27 1 nalunaarutip atuutilinngitsorli akuersisimanermik aallaveqarpata. Taamaattunut maannamut maleruagassiaasut atuutissapput.

PERNILLE ROSENKRANTZ-THEIL

/Henriette Braad Olesen